

ქ. თბილისი

19 ოქტომბერი, 2018 წელი

ერთი მხრივ - საქართველოს ტექნიკური უნივერსიტეტი (მისამართი: ქ. თბილისი, მ. კოსტავას ქ.#77) წარმოდგენილი ადმინისტრაციის ხელმძღვანელის ქ. ქოქრაშვილის სახით („შემსყიდველი“), და მეორე მხრივ - შპს „კოპალა“ (მისამართი: თბილისი, ჩეხოვის 8/10) წარმოდგენილი მისი პროკურისტის მირანდა ყვავაძეს სახით („მიმწოდებელი“), ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულების ობიექტი

1.1. ხელშეკრულების ობიექტს წარმოადგენს: (CPV55300000 - რესტორნებისა და კვების საწარმოების მომსახურებები), CERN-ის შემეცნებითი ფესტივალის მონაწილეთათვის სარესტორნო მომსახურების გაწევა

- 12 პერსონაზე, 2018 წლის 24 ოქტომბერს, საერთო ღირებულებით 1320 ლარი

1.2. შესყიდვის განხორციელების საშუალება - გამარტივებული შესყიდვა (წარმომადგენლობითი ხარჯი).

2. ხელშეკრულების ფასი

2.1. ხელშეკრულების ფასი შეადგენს: 1320 (ათას სამას ოცი) ლარს.

2.2. ხელშეკრულების ფასი საბოლოოა და ითვალისწინებს მიმწოდებლის ყველა ხარჯებს, ასევე საქართველოს კანონმდებლობით დადგენილ ყველა გადასახადს.

3. ხელშეკრულების შესრულების კონტროლი

3.1. მიმწოდებლის მიერ ნაკისრი ვალდებულებების შესრულების კონტროლსა და ზედამხედველობაზე უფლებამოსილია შემსყიდველი მხარე. ხელშეკრულებით ნაკისრი ვალდებულებების შესრულების კონტროლს განახორციელებს სტუ-ს ბირთვული ინჟინერიის ცენტრის დირექტორი ბესიკ კეკელია, ხოლო მიღება-ჩაბარების აქტზე ხელმოწერი პირი შემსყიდველის მხრიდან - სტუ-ს ინფრასტრუქტურის მართვისა და ტექნიკური უზრუნველყოფის სამსახურის მთავარი სპეციალისტი ირაკლი გელაშვილი და სტუ-ს ბირთვული ინჟინერიის ცენტრის დირექტორი ბესიკ კეკელია.

4. მომსახურების გაწევის ვადა

4.1. მომსახურების გაწევის სავალდებულო ვადა - 2018 წლის 24 ოქტომბერი.

5. ანგარიშსწორების ფორმა, ვადები და პირობები

5.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში;

5.2. ანგარიშსწორება განხორციელდება მომსახურების გაწევის შემდეგ, მხარეთა შორის შესაბამისი მიღება-ჩაბარების აქტის ხელმოწერიდან 10 სამუშაო დღის განმავლობაში. ამასთან, მიმწოდებელმა უნდა წარმოადგინოს საგადასახადო ანგარიშ-ფაქტურა (იმ შემთხვევაში, თუ მიმწოდებელი დარეგისტრირებულია დამატებითი ღირებულების გადასახადის გადამხდელად).

6. უფლებების გადაცემა

6.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

7. მხარეთა პასუხისმგებლობა

7.1. ფორსმაჟორული გარემოებების გარდა, ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა ყოველ ვადაგადაცილებულ დღეზე შესასრულებელი ვალდებულების ღირებულების 0.02%-ის ოდენობით.

7.2. ხელშეკრულების ნაწილობრივ შესრულების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო შესასრულებელი ვალდებულების ღირებულების 10%-ის ოდენობით.

8. ფორს-მაჟორი

8.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

9. დავების გადაწყვეტა

9.1. მხარეთა შორის სადაო საკითხი წყდება მოლაპარაკების გზით. 30 დღის განმავლობაში შეთანხმების მიუღწევლობის შემთხვევაში საკითხი განიხილება საქართველოში მოქმედი კანონმდებლობის შესაბამისად.

10. ხელშეკრულების მოქმედების ვადა

10.1. წინამდებარე ხელშეკრულება ძალაში შედის ხელმოწერის დღიდან და მოქმედებს 2018 წლის 30 ნოემბრამდე.

11. სხვა პირობები

11.1. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

11.2. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

მხარეთა რეკვიზიტები:

შემსყიდველი:

სსიპ საქართველოს ტექნიკური
უნივერსიტეტი
მის: კოსტავას ქ. #77
სახელმწიფო ხაზინა
ა.ა. სახაზინო კოდი 708977289
ს.კ. 211349192
ბანკის კოდი TRESGE22

მიმწოდებელი:

შპს „კოპალა“
მის: თბილისი, ჩეხოვის 8/10
ს.ს. „თიბისი ბანკი“
ბანკის კოდი: TBCBGE22
ა.ა GE82TB0700000001467900
ს.კ. 206118075

ადმინისტრაციის ხელმძღვანელი
ქ. ქოქრაშვილი



პროკურორისტი
მირანდა ყვავაძე



**ხელწერილი
ინტერესთა კონფლიქტის არარსებობის შესახებ**

ხელმოწერით ვადასტურებ, რომ ჩემი საქმიანობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ინტერესთა კონფლიქტში არ ვიმყოფები შპს „კოპალა“-სთან.

სტუ-ს ადმინისტრაციის ხელმძღვანელი

ქ. ქოქრაშვილი



სტუ-ს ბირთვული ინჟინერიის
ცენტრის დირექტორი

ბ. კეკელია

ბ. კეკელია

სტუ-ს ინფრასტრუქტურის მართვისა და
ტექნიკური უზრუნველყოფის
სამსახურის მთავარი სპეციალისტი

ი. გელაშვილი

ი. გელაშვილი